

第一場

小恩 : 好嘢, 我科科都攞到過 90 分!

同學 A : 小恩, 你好叻呀, 科科都九十幾分, 我真係好羨慕你呀。

小恩 : 呵呵……其實都麻麻啫!

同學 B : 仲話麻麻, 今次數學咁難, 你都攞到九十二分, 你好犀利呀!

小恩 : 哈哈, 你地過獎嘞!

同學 C : 你真係要教吓我數學至得, 我都好想攞到 9 字頭呀!

同學 B : 我都要呀, 你教吓我 D 英文啦, 我都想攞到高分呀!

同學 A : 我就要你教我中文呀, 我今次得果七十分咋!

小恩 : 好, 好, 咪大家研究吓囉!(小恩正在陶醉中)

媽 : 小恩, 你同我「躡」過嚟!

小恩 : 媽!

媽 : 我唔該你自己睇吓, 你考 D 乜野成績出嚟?

小恩 : A~~~~其實都唔係咁差啫, 科科都有 9 字頭啫……

媽 : 9 字頭又點呀, 9 字頭好叻咩, 9 字頭係唔係可以做特首呀?

小恩 : 咁特首嘅民望都無 9 字頭!

媽 : 你仲駁嘴啫, 我要嘅係「過」95 分, 唔該你可唔可以對自己要求高 D 架? 你講點解數學得 92 分咁低?

小恩 : 今次好難呀, 好似小強、小輝、小智, 佢地都係得 70 幾分咋

媽 : 你唔好同我攞 D 蠢同學嚟做比較, 咁有無人攞到 95 分或至以上?

小恩 : AH……

媽 : 我問你有定無呀?

小恩 : ……有

媽 : 吓! 咁有幾多個呀?

小恩 : 兩……兩個。

媽 : 咩話! 你仲話份卷難, 咁點解有人可以攞到咁高分? 你真係愈嚟愈曳, 學人講大話, 我真係要打過你先得。

小恩 : 唔好呀!

同學 ABC : 小恩!

同學 A : 你真係我地班嘅高材生, 有你呢個同學, 我都覺得好光榮呀!

小恩 : 多謝!

媽 : 小恩! 你正蠢豬, 有你 D 咁嘅女, 你叫我點樣去見人呀?

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

小恩 : 媽!

ABC : 小恩!

同學 C : 如果我有你咁叻, 我就唔駛成日俾人鬧嘞。

小恩 : ……你亞媽都係想你好啫!

媽 : 小恩! 如果你繼續係咁, 我就嚟俾你激死呀?

小恩 : 媽……我知錯嘞!

ABC : 小恩!

同學 B : 如果我可以數學擺到八十分, 我亞媽實開心死嘞!

小恩 : 我諗你終有一日實得嘅!

媽 : 小恩! 喂, 我對你唔係要求好過份啫, 我都係要 95 分啫, 咁耐以嚟, 我都無要過你擺 100 分先!.

小恩 : 知道嘞……媽, 我諗我終有一日實得嘅!

同學 ABC : 小恩!

同學 A : 下星期日係我生日, 我好想邀請你參加我個生日會, 你會來嘛?

小恩 : Ah……我會呀!

同學 A : 好呀, 咁到時見! 拜拜!

小恩 : 拜拜!

媽 : 小恩, 你聽住呀, 嚟緊嘅數學評估, 如果唔過 95 分, 我就 cut 晒你 D 課外活動, 乜嘢辯論隊、話劇組, 你唔駛旨意再參加。

小恩 : 吓, 有無搞錯呀!

媽 : 無攞錯, 如果過唔到 95, 仲會扣一半零用錢, 睇吓到時邊個攞錯!

小恩 : 吓!

媽 : 總知你就醒醒定定, 考好 D 俾我睇!

小恩 : 唉!

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

第二場

(同學 DEF 在玩耍)

同學 D : 喂小恩，重乜唔過來一齊玩呀？

同學 E : 係呀，最近見你好似好唔開心咁，究竟有乜嘢事呀？

小恩 : 唉！我要溫習，準備過幾日嘅數學評估呀！

同學 D : 你咁叻，實無問題啦！

小恩 : 你唔明架嘞！

同學 F : 你唔講清楚，我地又點會明呀！

小恩 : 我亞媽要我响嚟緊嘅數學評估最少考到 95 分，如果唔係就會 cut 晒我 D 課外活動，仲要扣一半零用錢。

同學 E : 嘩！最少 95 分，咁你不如趁早退出晒 D 課外活動嘞。你要响果個殺人……王老師手上擺到 80 分都已經唔係咁易啦。

同學 D : 吓，咁你唔參加話劇組，咁學校劇節點算呀？

小恩 : 咁你咪反串做埋我嘅女主角囉！

同學 D : 咦~~~你好衰架，咁話人！

同學 E : 咁你勤力 D 去溫習咪得囉！

小恩 : 唉，你知唔知呀，我數學從來都無擺過 95 分，就算我幾咁勤力，我相信我都無可能會有高分架嘞！

同學 D : 無錯呀，單單靠勤力，係唔可以擺到高分數架！

同學 E : 吓，咁即係重要點呀？

同學 D : 喺！中國人都有講啦，勤力只係考試成功因素嘅第五位咋。

小恩 : 咁仲要做 D 乜野呀？

(音樂：第四位)

同學 D : 就係要多做好事，積陰德，所謂：「好心有好報」。

小恩 : 真係？

同學 E : 當然係真，所以由而家開始，你要幫我地擺書包

同學 D : 做功課

同學 F : 同俾錢我地去買零食。

小恩 : 吓，係咪真架？

同學 F : 我地都唔想架，我地係幫緊你咋，記住「好心有好報」。

小恩 : 咁重有 D 乜呀？

(音樂：第三位)

同學 E : 風水。所謂風水就即係相地之術，係中國一門專門學問，絕對係有科學根據架。

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

同學 F : 唔係發噏風!

同學 D : 亦唔係吹水!

小恩 : 咁我即係應該點做呀?

同學 F : 蘇師父都講過啦, 東南位有利讀書。你將個書包向住呢度, 就會幫到考試架嘞。

小恩 : 係唔係真架?

同學 D : 咁你都要試吓架嘞。

同學 F : 重有呀, 有 D 野係可以幫助增強風水力量架, 好似: 金魚、鑊、鏡、植物、烏龜、鶴……

小恩 : 吓, 鶴? 我邊度搵隻鶴呀?

同學 F : 你唔駛搵晒咁多樣嘢嘅, 究其執一兩樣放入書包就得架嘞!

小恩 : 咁奇怪! 咁重有呢?

(音樂: 第二位)

同學 D : 就係運氣, 只要運氣好, 十條 *mulit* 都可以俾你撞中晒。好似帶水晶、著紅衫、紅襪、用紅筆袋、拜黃大仙、重有……、

其他 : 巴比

小恩 : 你唔係嘛?

同學 D : 唔得咩, 呢個係我嘅吉祥物, 我晚晚都攞住佢馴架。

小恩 : Ah……乜你咁重口味架, 咁重有呢?

同學 D : ……幸運星、金戒指……呢 D 都可以增加你嘅好運嘅。

同學 E : 我有計, 你評估果日底褲都著埋紅……

小恩 : 咦, 我真係無你地咁變態呀!

同學 DEF : 哈哈

小恩 : 咁第一位呢?

(音樂: 第一位)

同學 E : 就係命!

小恩 : 命??

同學 E : 係, 你數學攞唔到高分就因為你條命唔好。

小恩 : 即係點呀!

同學 F : 你亞爸亞媽 D 數學叻唔叻架?

小恩 : 亞爸加減數都會計錯, 亞媽就連一嘅乘數表都唔識背!

同學 D : 咁咪係囉, 佢地嘅磁牆就影響埋你 D 數學成績都麻麻囉! D 大人真係, 自己 D 成績唔好, 重好意思要求 D 子女成績好, 真係厚顏無恥嘞。

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

小恩 : 咁我應該點做呀？

同學 F : 响呢段時間你要同佢地斷絕關係。

小恩 : 吓，你要我離家出走。

同學 F : 唔係，我地咁細個唔可以做 D 咁嘅野架，呢 D 野留返中學先做。你响呢段時間唔好同你父母聽佢地講野，唔好望佢，甚至唔好睬佢地，等你過咗評估先。

小恩 : 吓，咁得唔得架？

同學 E : 緊係得啦！

同學 D : 你做足晒呢 D 野，今次數學評估想唔擺一百分都幾難嘞！

小恩 : 真係？

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

第三場

- 主持：登登登，恭喜你地黃氏一家進入我地決戰十秒鐘嘅節目。
- 主持：而家係最後階段，只要完成埋呢一關，你地就可以得到一百萬。
相反，若果過唔到呢關，你地就會一無所有，咁你地搏唔搏？
- 黃家：搏！
- 主持：好，跟住嘅遊戲就係……疊骰仔，就係要張呢三粒骰仔疊成一行就可以得到一百萬嘞！咁呢個遊戲你地諗住派邊個家庭成員出嚟玩呀？
- 媽：等我出馬！
- 哥：吓！亞媽，你掂唔掂架？
- 媽：用筷子疊起 D 骰仔，好易啫。放心啦，無問題嘅！
- 小恩：你要盡力！
- 爸：係呀，為咗果一百萬，你一定要盡力呀！
- 媽：好！
- 主持：準備好未？
- 媽：準備好！Ah……對筷子呢？
- 主持：呀！無筷子嘅啫。係呀，唔記得話俾你知，你係唔可以用手掂 D 骰架。
- 媽：吓！
- 主持：十秒鐘時間，祝你好運！
- (播比賽音樂)
- 媽：Ah……我可唔可以用口架？
- 主持：啊……隨便！
- (播失敗音樂)
- 主持：呵呵！對唔住，你失敗咗，一百萬就咁無咗嘞！真係好可惜呀！
- 媽：喂，咪住，跟本就無可能可以响十秒鐘到做到。
- 主持：呵呵，係咩？咁就搵我地嘅示範員做一次俾你睇啦！示範員，唔該！
- (示範員示範)
- 主持：喺，咁你無說話好講啦，再見嘞！
- 爸：你有無攞錯，有乜理由示範員都做到，你竟然做唔到架。
- 媽：咁我都唔想架！
- 哥：你究竟有無盡力架？
- 媽：我盡咗力嘞！

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

小恩 : 而家一百萬無咗嘞，我問你點算。

媽 : 我盡咗力嘞！

小恩 : 你無盡力！

媽 : 我有盡力！

爸 : 無，你無盡力，你做唔到就即係無盡力。

媽 : 我真係盡咗力。

哥 : 你平時做乜都無盡力架啦，D 餸煮就得唔好食，屋企就執得唔整齊，衫又洗得唔乾淨，你做乜野都無盡力。

媽 : 收聲！我講多一次，我已經盡晒力。

爸哥恩 : 你無！

媽 : 有有有有，我有盡力。

(熄燈)

(亮燈，媽伏在桌上醒來)

媽 : 我盡咗力嘞！

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

第四場

媽：其實我係咪迫得小恩太緊呢？

咦！响度温書呀？

媽：温成點呀？聽日評估有無信心攞 95 分呀？

媽：喂！同你講野呀？你聽唔到呀？

媽：你個衰女包，你做乜咁無禮貌呀？

媽：喂！

媽：喂！

媽：哼！

(媽生氣地坐上梳化)

(媽拿薯片出來)

媽：小恩，你睇吓，係你最鍾意嘅---薯嘜薯片，你想唔想食呢？

媽：啊，你真係唔想食？佢地好好味架嘞，唔……真係好味嘞！

媽：你做咩呀？而家係咪玩睇我唔到，定响度扮勤力呀？

媽：好，你有本事就以後唔好同我講野啦！

(媽坐在梳化上想辦法)

媽：唉喲！我個心突然好痛呀，我透唔到氣，好辛苦呀！小恩，救我
呀，我唔係講笑呀，小恩，救我呀！救……救……救我……

(媽暈倒在地上，小恩走上前)

小恩：媽！媽！你起身啦，你無野嘛？喂！你起身啦！

小恩：喂！你快 D 起身啦，唔好玩呀！點算呀，亞媽死咗呀！屋企無大人
響到……打電話，打電話通知亞爸先，電話呢？電話響邊呀！

媽：小恩，我係鬼呀！

小恩：你有無攞錯呀，而家好好玩呀！

媽：係呀，好好玩呀！呀，你唔係唔同我講野架咩，呵呵，你輸咗嘞。

小恩：你知唔知你咁樣，好影響我温習架。

媽：嘩，你又唔係第一次評估，點解咁緊張啫！

小恩：點解？你仲問我點解？係你要我攞 95 分，你估好容易架。

媽：咁你平時都攞九十幾分啦，攞多一分兩分，難你唔到架！我都係見

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

你咁緊張，同你輕鬆吓啫。好嘞！而家返去溫習啦，唔駛勞氣！

小恩：我就嚟俾你激死嘞！

(小恩忿怒地步入後台)

媽：小恩做乜呢？呢排古古怪怪咁。佢响學校一定係發生咗 D 事，好，等我睇吓佢本手冊先。

(媽檢查小恩書包)

媽：吓！點解有隻鑊响度架？

(熄燈)

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

第五場

媽：最近小恩有 D 唔妥喎！

爸：吓，佢有乜唔妥呀？

媽：佢以前最憎紅色，最近成日著紅衫紅褲，好似全身佈滿鮮血咁，好恐怖呀！

媽：小恩一定係讀書壓力太大，痴咗線！

爸哥：你肯定？

(音樂大聲)

哥：我都有見佢帶水晶，重有搽埋紅色腳甲油漆，佢望住 D 紅色腳甲响度笑，佢笑果樣好鬼異，好得人驚！

爸媽：真係？

(音樂大聲)

爸：我見到佢响書包裏面擺包金魚同隻鑊出嚟，佢對住包金魚，雙眼充滿住飢餓眼神，我相信佢一定係用隻鑊煮咗條金魚嚟食。

媽哥：真係？

爸：實在太殘忍嘞，我真係無辦法睇落去。小恩一定係變咗殺人狂魔。

哥：呀！唔好再講落去，我無辦法再聽落去嘞！

(音樂大聲)

哥：我見到佢拜偶像，佢對住 D 外貌兇惡嘅偶像跪拜，重口 up up D 野……

爸媽：佢講乜野呀？

哥：我聽得唔係好清楚，好似係乜野…狗仔，又乜野…午安，我好心驚呀。

媽：仔呀，你唔好再講嘞，你令到我都好驚呀，點解小恩會變成架！吓，狗仔？午安？你諗清楚……係咪 95 呀？哎喲，係我錯，一定係因為我迫小恩要擺到 95 分嘞，攞到佢而家變成咁，一日最衰都

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

係我嘞，係我錯。

爸：唔駛再講嘞，我有咗結論。

媽哥：係乜嘢呀？

爸：小恩一定係撞邪！

媽哥：撞邪？

爸：我好肯定係！佢一定係借助邪靈嘅力量去擺好成績，而家反過嚟比邪靈控制返。無辦法嘞，我地要進入緊急狀態！

第六場

- 小恩：今日終於完成評估，一身鬆散，可以做返個正常人嘞。
- 小恩：亞媽，我返嚟嘞！
- 爸：小恩！
- 小恩：咩事呀！
- 爸：你唔駛驚，有乜野事，屋企人都會支持你。
- 小恩：你講乜野呀？評估考完啦！
- 爸：一陣你唔駛驚，我地做嘅所有野，都係為咗你好咋。
- 小恩：吓！我唔明你講乜野嘞！
- 媽：小恩，你飲咗佢啦！特登整俾你。
- 小恩：吓！乜野嚟架？
- 媽：你唔好問，一啖飲咗佢啦！
- 小恩：Yuck！咁難飲？吓！係血嚟架！你重乜俾 D 血我飲呀？
- 媽：Err~~~~雞血補腦，你最近讀書辛苦，飲咗對你有益呀！
- 小恩：我唔要呀！
- (哥給小恩掛蒜頭鍊)
- 小恩：喂！你做乜掛 D 蒜頭响我身上？
- 哥：呀！~~~~係今年最潮嘅韓國飾物，都幾好睇呀。
- 小恩：係咩？
- (爸打喳喳，媽灑米)
- 小恩：嘩！嚇死人咩？做乜事咁大聲呀？
- 爸：呵呵……知你今日考完評估，咪大鑼大鼓同你慶祝吓。
- 媽：係呀，無彩紙，咪灑米幫你慶祝囉！
- 小恩：你地做乜野今日咁怪？
- 爸：吓，無野呀！小恩，你有無覺得身體有 D 乜野改變呀？
- 小恩：無呀，咩改變呀！都唔知你地攞乜鬼。
- 媽：睇嚟隻妖怪好厲害，呢 D 普通野對付唔到佢。
- 爸：好，唯有出秘密武器。
- 媽：小恩，最近好多傳染病，你有無注意個人衛生？
- 小恩：有呀！
- 媽：擺雙手出嚟檢查睇吓有無剪指甲？
- 小恩：吓？無端端重乜要檢查指甲？
- 爸：叫你擺出嚟就擺出嚟啦，唔好問咁多。

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

(爸與哥用筷指夾小恩手指)

小恩 : 哎喲！你地重乜野呀，好痛呀！

爸 : 小恩，你唔駛驚，我地都係幫你，你俾 D 污糟野攪呀。

小恩 : 乜野污糟嘢，你地快 D 放手呀？

哥 : 你隻衰鬼，好快 D 出嚟囉嗰，唔好再攪我細妹！

小恩 : 乜野呀，你地發咩神經呀！

爸 : 亞媽，係機會嘞，你重唔擺 D 秘密武器出嚟啦！

媽 : 呀，係嗰！(媽入後台)

小恩 : 你地好快 D 放手，我好痛呀！

爸 : 呀女，我地都唔想架，為咗你好，我地無辦法唔忍心 D 啦。

媽 : 秘密武器出嚟！一、二……

小恩 : 停呀！呢 D 係乜野嚟架？咁臭架？

媽 : 係童子尿，呢招一定有效架。

小恩 : 唔好呀！

(四人互相追趕，最後童子尿灑了出來)

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

第七場

小恩 : 吓, 我數學評做得 79 分!

同學 ABC : 小恩!

同學 A : 點解今次數學評估咁失手呀, 得 79 分!

小恩 : 唔~~我諗我太緊張嘞, 所以咪一時失手囉。

同學 B : 咁你會唔會俾亞媽鬧架, 佢要你攞 95 分啎!

小恩 : 唔知架, 咁今次又係考得差咗 D, 就算俾亞媽鬧, 都無法啦!

同學 C : 嗚~~~小恩

小恩 : 咁你又唔駛為我咁擔心。

同學 C : 唔係呀, 我今次數學得 8 分咋, 實俾亞媽鬧死嘞!

媽 : 小恩! 數學評估呢?

(小恩遞上評估卷)

媽 : 吓! Ar.....都.....都唔錯呀!

小恩 : 媽, 對唔住呀! 我盡咗力架嘞!

媽 : 無嘢呀, 咁你盡咗力咪得囉! 考試係咁架啦!

小恩 : 咁你唔黐我呀!

媽 : 仲敢咩!我意思係, 點會黐你啎。最緊要係你有努力過嘛!

小恩 : 多謝亞媽, 我愛你!

媽 : 我都愛你! 不過.....

小恩 : 乜野呀?

媽 : 下次可唔可以再盡力多 DD 咁 dir dir, 攞個 8 字頭啦!

小恩 : um.....我試吓啦!

媽 : 乖女!

Po Leung Kuk WWCWD Fung Lee Pui Yiu Primary School

保良局西區婦女福利會馮李佩瑤小學

同學 DEF : 小恩 !

同學 D : 聽講你數學評估得 79 分咋喎 ! 點解會咁架 ? 你有無做足我地教你嘅嘢呀 ?

同學 E : 係囉, 無理由唔得架, 應該掂架喎 !

同學 F : 你地兩個自己都無咁做啦, 重响到點紅點綠 ?

同學 E : 咁我地無小恩咁大壓力嘛, 哈, 你無分出個聲教佢, 你出得最多添呀 !

同學 F : 你多 D 呀 !

小恩 : 你地唔好嘈嘞, 其實唔緊要啦, 亞媽都無鬧我 !

同學 F : 吓, 又會咁嘅 ?

小恩 : 係呀, 亞媽話我盡咗力就得嘞 !

同學 E : 噏, 你都唔好話我地教 D 野無用, 雖然就幫唔到你攞 95 分, 但係幫到你家宅平安, 和氣生財, 而家咪無事囉。

同學 D : 小恩呀, 咁重係咪要我反串幫你做學校戲劇節嘅女主角呀 ?

小恩 : UM~~唔駛嘞, 套戲由我開始, 謝幕都應該要有我份嘅。Music !